

forum for
Natur og friluftsliv
Møre og Romsdal

NVE –Konsesjonsavdelingen,
Postboks 5091 Majorstua,
Oslo 1.

Dato: 23.08.2013

FNF Møre og Romsdal er eit samarbeidsforum for natur- og friluftslivsinteresserte organisasjonar i Møre og Romsdal. FNF skal engasjere seg i saker som påvirker natur og friluftslivet i fylket. I dag er Norges Jeger- og Fiskerforbund Møre og Romsdal, Naturvernforbundet i Møre og Romsdal, Friluftsrådet Nordmøre og Romsdal, Friluftsrådet Ålesund og Omland, fylkets tre turistforeningar, fylkets 4 speidargrupper og Møre og Romsdal 4H tilslutta forumet. Totalt representerer desse organisasjonene mange medlemmer med ei stor interesse for å ta vare på naturen for dagens - og komande generasjonar.

Fråsegn knytt til Sesselva kraftverk i Vestnes kommune, Møre og Romsdal fylke


Vi viser søknad om bygging av Sesselva kraftverk i Vestnes kommune med høyringsfrist 23.08.2013.

Dette er ein uttale som er diskutert med Friluftsrådet Ålesund og Omland, Romsdal og Molde Turistforening, Ålesund og Sunnmøre Turistforening og Naturvernforbundet i Vestnes. Enkelte av desse organisasjonane vil også gje egne uttaler.

Vi ønskjer i vår uttale å seie noko omsynet til naturvern og friluftsliv knytt til utbyggingsplanane. Det er spesielt tre faktorar vi vil vektleggje; landskapsbildet, naturverdiane og friluftslivsinteressene.

Landskapsbildet

I Vestnes kommune er det få synlege fossar. Liafossen er etter vårt syn den mest karakteristiske fossen og den mest iaugefallande fossen i heile kommunen. Den er ein del av fjordlandskapet, opplevd og sett frå sjøsida so vel som frå vegane. Sett frå andre sida av Tresfjorden ligg Sesselva, Hoemselva og Liafossen midt i linsefokus for både vegfarane og dei fleire tusen som kvart år går til topps på eit av fjella aust for Tresfjorden. Den er eit viktig landskapselement i rommet mellom Vikebukta og Tresfjorden, mellom fjorden og dei majestetiske fjella.



forum for
Natur og friluftsliv
Møre og Romsdal

Naturverdiane


Biologisk rapport dokumenterer biologisk mangfald generelt og verdifulle fossesprøytnoner og viktige bekkekløfter spesielt. I dei seinare åra har det vorte meir fokus på fossesprøytnoner og bekkekløfter. Vassdrag med desse naturtypene er også svært attraktive mhp småkraftverk på grunn av at fallet er godt. Sjølv små endringar i vassføring kan resultere i at artane forsvinn. Fossesprøytnoner er definert som ein viktig naturtype etter DN-handbok nr 13, og skal difor vere kartlagt gjennom dei kommunale naturtypekartleggingane. Vi fryktar at kompensasjonstiltak som minstevassføring ikkje vil føre fram grunna at artene i desse naturtypene er marginalisert frå før. Ei minstevassføring gjev ingen garanti for faktisk vassføring knytt til manglande tilsyn og/eller bortfall av vatn i den regulerte delen av vassstrengen. I NVE Rapport 2- 2011 (Etterundersøkelser ved små kraftverk.) er det referert til 5 tilfeldig valde kraftverk som vart granska på oppfølging av konsesjonsvilkåra. «Undersøkelsen viste at de fleste brøt forutsetningene om minstevassføringsutslipp». »Verken NVE eller kommunene fulgte opp kraftverkene etter at de var bygd. Vi har diverre også erfaring om større avvik mellom konsesjonsvilkåra og kva som vart faktisk bygd. Våre erfaringar lokalt samt NVE sine egne granskningar (sjå ovanfor) gjer av vi er skeptisk til fleire kraftutbyggingar når vi ser avviket mellom kva som er godkjent og kva som blir resultatet. Manglande oppfølging av konsesjonsvilkåra av myndigheitene fører diverre til at natur- og friluftslivsinteressene taper mot utbyggingsinteressene.

Friluftslivsinteressene

Vi leiter lengje for å finne noko om friluftslivsinteressene i all dokumentasjon i søknaden. Dette finn vi rart knytt til vårt samfunns auka fokus på folkehelse og friluftsliv. Etter vår oppfatning er området lett tilgjengeleg og innehar eigenskapane til både eit nærfriluftslivs-område og som ein del av eit større turområde.

Nær-turen frå Sætre opp dalen til Liafossen på den gamle vegen er ei oppleving utan sidestykkje. Området er eit lett tilgjengeleg nærturområde og oppleving av viktige natur- og kulturkvalitetar som turen langs elva og opp til fossen, til Sakselia, til Hoemsætra og område ikring Daugstadsætra. Liafossen og vassstrengen knytt til Sesselve og Hoemselve er også viktig som ein del av eit turområde i større samanheng. Den utgjer starten og innfallsporten til opplevingsmangfaldet på turen til Trolltinden, Svartevassstinden, Øspetinden, Hoemstinden og for overgangen til Måndalen.

Det er allereie gjort tilretteleggingsarbeide med skilting, turstiar, klopper, bruer, rasteplassar og liknande. Spesielt stien frå vest for Sakselia og gamlevegen frå Sætre opp til Liafossen har potensiale til ein enno betre tilrettelegging for friluftsliv. Vi får fort assosiasjonar til andre fossefall i fylket når ein står oppunder Liafossen som til dømes Mardalsfossen og Åmotan.



forum for
Natur og friluftsliv
Møre og Romsdal

Oppsummering:

Gode rasteplassar, fiskeplassar, hekkeplassar, gyteplassar, spanande juv, imponerande fossestryk og idylliske kulpar kan ikkje puttast inn i standardiserte vurderingsskjema eller målast kvantitativt. Ut frå landskapsomsyn, friluftslivsinteressene, biologisk mangfald og ei samla vurdering av konsekvensane av ei kraftutbygging, rår vi difor til at Sesselva kraftverk ikkje får konsesjon.

Helsing

Ingbjørn Bredeli

Koordinator Forum for Natur og Friluftsliv i Møre og Romsdal

Kopi

Vestnes kommune